

# 《佛說阿彌陀經要解》 補充講表

◎附表二十一：糅合《阿彌陀經要解講義》、《阿彌陀經要解親聞記》

○舍利弗，不可以少善根、福德因緣，：聞說阿彌陀佛，執持名號，：一心不亂，

○善根：《大乘起信論裂網疏》卷五：「行十善道者，世間善根力也。厭生死苦者，出世善

根力也。求無上覺者，出世上上善根力也。此三善根

○執持

前不具後，後必具前。必須具三善根，方得信成就也。」

※《阿彌陀經疏鈔》卷三云：「明念法者：謂既聞聖號，要在執持。執者：聞斯受之，勇

猛果決，不搖奪故。持者：受斯守之，常永貞固，不遺忘故。」

※《彌陀圓中鈔》卷下云：「執持者，執而後持，亦名受持。故解曰：執謂執受。然則聞

而不信，不足以為執受。又曰：持謂任持。如人有力，堪任持物，是則

信而不念，不足以為任持。故曰：信力故，執受在心；念力故，任持不忘。」

※《阿彌陀經疏鈔》卷三云：「一心者：專注正境也；不亂者：不生妄念也。」

○是人終時，心不顛倒，即得往生阿彌陀佛，極樂國土。

※《彌陀圓中鈔》卷下云：「娑婆眾生，雖能念佛；浩浩見思，實未伏斷。而能垂終心不

顛倒者：原非自力而能主持，乃全仗彌陀，乘大願船，而來拔濟；雖非正念，而能正念，故得心不顛倒，即得往生。」

○菩提正道名善根，即親因。種種助道，施戒禪等名福德，即助緣。

※梵語菩提，此云道，亦名覺。即能修之覺智，為正行，故曰正道，是無漏善根也。此覺智為正道，即成佛之了因慧心，為成佛親因種子。如念念彌陀，念念即佛，即菩提正道。

○唯以信願執持名號，則一一聲，悉具多善根福德。

※多善根：《大悲經》云：「一稱佛名，以是善根，入涅槃界，不可窮盡。」

※多福德：《稱揚諸佛功德經》云：「若有得聞無量壽如來名者。一心信樂，持誦誦念。」

此人當得無量之福，永離三途；命終之後，往生彼剎」。

○故使感應道交，文成印壞。

※文成印壞：《大般涅槃經》卷第二十七云：「如蠟印印泥，印與泥合，印滅文成。」又如此方，以銅鑄像，須先用泥造成模形，然後將鎔銅貫之。像文既成，模形則壞。成壞同時，不落前後。以喻念佛眾生，淨業若成，娑婆五濁報謝，極樂蓮胎成就。於一念間，不分前後。其成壞均在一心中，不落前後也。

○彌陀聖眾，不來而來，親垂接引。

※彌陀證此常遍之心，雖遍應眾緣，仍然不離於彌陀之自心，故曰：不來。如天中一月，普印千江，月體實未下來。以上約全事即理。月雖不動不來，而大小淺深之水，只要澄清，無不現影。以喻彌陀雖證法性無去無來，而利鈍之機，優劣之根，只要三業清淨，一心願行，以感於佛。佛則一一現身其前，垂手接引，故曰：而來。此約全理即事。

○行人心識，不往而往，托質寶蓮也。（「罄」字音注為「く一△、」。）

※極樂乃眾生心內之淨土，臨終雖生極樂，乃生自心之極樂；而自心之體本無彼此往來之相，故曰：不往。雖云自心淨土，須憑彌陀願力與彼土淨緣，及須深信切願往生。仗三力以攝受確離娑婆穢土，而托質於極樂蓮池中，實有往去之處，故云：而往。

○事持者。信有西方阿彌陀佛。而未達是心作佛。是心是佛。：如子憶母。無時暫忘。

※《楞嚴文句》卷五云：「問曰：但念他佛。得非心外取境耶？」

答曰：圓人熾然但念他佛，了知他佛不離自心。權乘縱未了達自心，究竟心外決無別佛。故此念佛三昧，若迷若悟，皆可共遵。迷者遵之，則不假方便，自得心開；悟者遵之，則自他不二，始覺合本矣，名為三昧中王，不亦宜乎！」

※《占察善惡業報經義疏》云：「諸佛菩薩真實功德，通別名號，並由證真實性，稱性所成緣起作用，能與眾生作增上緣。眾生不了，計有心外佛菩薩名，

即為淨分分別性攝。若知名號，是我自心所現相分，即為淨分依他性攝。能于一切時處常勤誦念，勿令間斷，則心不散亂，名為妙止，名號歷然，名為妙觀，便可助顯唯心識觀，兼有滅障勝功能矣。」

○理持者，信西方阿彌陀佛，是我心具，是我心造：為繫心之境，令不暫忘也。

※《印光大師文鈔菁華錄》云：「心具者，自心原具此理；心造者，依心具之理而起修，則此理方能彰顯，故名為造。心具即理體，心造即事修。心具，即是心是佛；心造，即是心作佛。是心作佛，即稱性起修。是心是佛，即全修在性。修德有功，性德方顯。雖悟理而仍不廢事，方為真修。否則便墮執理廢事之狂妄知見矣。故下曰：即以自心所具所造洪名，為繫心之境，令不暫忘也。此種解法，千古未有。實為機理雙契，理事圓融，非法身大士，孰克臻此！以事持縱未悟理，豈能出於理外！不過行人自心未能圓悟。既悟焉，則即事是理。豈所悟之理，不在事中乎！」

○當知執持名號，既簡易直捷，乃至頓至圓，以念念即佛故。：當下圓明，無餘無欠。

※《彌陀圓中鈔》卷下云：「凡諸佛應身接物，有乎四益。一、以形益：現身是也。二、以光益：放光是也。三、以聲益：說法是也。四、以通益：現神足是也。

惟阿彌陀，四益之外，更加之以名接物，以其有本時所發誓願故也。餘之四接，其攝機也狹；惟以名接物，其攝機也廣。既彌陀以名而接物，故眾生得以耳聞而口誦，豈惟一稱嘉號！而萬德齊彰，且又無邊聖德，攬入識心，永為佛種；除罪證道，不可思議。其善根功德，豈小小哉！」

※《靈峰宗論》卷四之一云：「所持之佛名，無論悟與不悟，無非一境三諦；能持之念心，

※持名能斷無明 無論達與不達，無非一心三觀。只為眾生妄想執著，情見分別，所以

不契圓常。殊不知能持者，即是始覺，所持者即是本覺，今直下持去，持外無佛，佛外無持，能所不二，則始覺合乎本覺，名究竟覺矣。」